


Kommune Kujalleq



KOMMUNIP PILERSAARUTAANUT TAPILIUSSAQ nr. 10

Qaqortup Kommunianut kommunimi pilersaarummut
2004-2014



**QAQORTUMI QUMMUT-IP EQQAANI
SANAARTORFISSATUT KILLILIUSSAMUT B8-MUT
AAMMA C8-MUT AALAJANGERSAKKAT ALLANNGUUTAAT**

ATAATSIMOORUSSAT INEQARFILLU

August 2011

KOMMUNIP PILERSAARUTAANUT TAPILIUSSAQ NR.10, 08-2011

Sanaartorfissatut killiliussat ilaannut B8-mut aamma C8-mut aalajangersakkat allannguutaat

INATSIT TUNNGAVIGINEQARTOQ

Pilersaarusiorneq pillugu inatsisip 2008-09-mi ukiut nikinneranni allanngortinneqarneratigut – Kommunimut pilersaarusiorneq pillugu nunaminertat atorneqarnerat pillugit Namminersornerullutik Oqartussat nalunaarutaat nr. 7, 26. februar 2009-meersaq – illoqarfiup ilaanut pilersaarutit suliarineqartarunnaarput, aalajangersakkalli immikkoortitaagaanerusut siornatigut illoqarfiup pilersaarutiniittaraluartut maanna kommunip pilersaarutaanut tapiliussami ilanngullugit suliarineqartalerlutik. Taamaattumik kommunip pilersaarutaanut tapiliussaq una sanaartorfissatut killiliussanut aalajangersakkat naleqqussarneqarnerisa saniatigut aammattaaq sanaartorfissat inissinneqarnerannik, ilusilersorneqarnerannik nunaminertanillu allanik imaqarpoq.

NALUNAARUSIAQ

Qaqortup Kommunianut kommunimi 2004-2014 pilersaarummi atuuttumi inissialiorfiup A11-p kangianut sanaartorfissatut killiliussat marluk immikkoortinneqarput tassaasut C8 qitiusoqarfinnut siunertat kiisalu B8 inuussutissarsiuteqarfinnut siunertat. Inissianik quleriilinnik sanaartorfissat kiisalu kollegialiorfissat inissialiorfissallu aalajangersimasut naammassisinnaajumallugit kommunimut pilersaarutip matuminnga tapilerneqarneratigut B8-ip ilaa C8-inngortinneqarpoq kiisalu aalajangersakkat immikkuualuttut iluarsineqarlutik, massakkut annermik sanaartugassanngortut naammassisinnaajumallugit illut portussusissaannut aalajangersakkat allanngortinneqarlutik.


Nunap ilaa C8 ataatsimoorussanut / kikkunnulluunniit atugassiaasoq kommunip pilersaarutaanut tapiliussakkut 2 hektarit missiliorpaa. Taamaalilluni killigaq C8 aallaqqaammut atuuttoq 1,2 hektarit missaannik allineqarpoq. B8-ip sinnera 20 hektarit missaannut millineqarpoq. B8-ip ilaa tapiliussap matuma avataaniittoq kommunimut pilersaarusiorneqarput ingerlaqqinnerani pilersaarusiorneqassaaq.

Kommunimut pilersaarummut tapiliussakkut siunertarineqartoq tassaavoq tamaani sanaartorneq illoqarfiup aqqusernga aammalu pilersuineranut atortorissaarusersuiffiusoq aallaavigalugit ingerlanneqassasoq. Sanaartorfigissarneqassaarlu ataatsikkut sanaartorfiusumi illoqarfimmut aqquserniornikkut kiisalu pilersuineranut atortorissaarusersuinikkut. Taavalu sanaartukkat atortorissarutinut taakkununga atassuserneqassapput. Sanaartorfigissaanerup sukumiinerusortai sanaartortitsisut ataasiakkaat isumagissavaat. Kommunimut pilersaarummut tapiliussami matumani tunngavissiat aallaavigalugit nunaminertamik atugassanngortitsinermi taakku aalajangersarneqassapput.

PIFFISSAQ TAMANUT SAQQUMMIUSSIVIUSOQ

Kommunimut pilersaarummut tapiliussaq nr. 10 23. maj 2011-imiit 2011-imi 18. junimut tamanut tusarniaassutigineqassaaq. Attaveqaateqarnermut, Ineqarnermut Angallannermullu Naalakkersuisoqarfik kiisalu (Piffissaliusap 27/7 2009-mut killeqartup kingorna) Qaqortumi Sulisitsisuniit oqaaseqaateqartoqarput. Naalakkersuisoqarfiup oqaaseqaatai qisuariaataapput siunnersuummullu inaarutaasumut ilanngunneqareerlutik. Nuiariap tungaanut angallannikkut ajornartorsiutit taanna pillugu kommunimut pilersaarummut ilassusiornikkut iluarsineqarnissaat Sulisitsisuniit kissaatigineqarpoq. Sulisitsisut oqaatigiumasaat Kommunimut pilersaarummut 2004-2014-imut naapertuuttuusut, tassa uarterivissamik pilersaarusiornissimasumut, Kommunimiit maluginiarneqarput. Aningaasalersorneqarsinnaaleruni aqqusineq sananeqassaaq

Nunap assinga 1.



Allannguutit Nunap ilaata C8-p aamma B8-p akornanni killiliineq nunap assingatut ilanngussami qulaaniittumi nalunaarneqartutut allanngortinneqarpoq.

a. Atorfissaa Nunap ilaa C8 qitiusoqarfittut siunertanut soorlu sullissiveqarfinnut (tassunga ilanngullugit najugaqarfiit il.il.), pisortat namminersortullu sullissiviinut niuertarfinnut assigisaannullu atorneqassaaq.

b. Sanaartugassat Nunap ilaani C8-mi sanaartugassat sisamaat affaq angullugit portussuseqarsinnaapput kiisalu nunap portunersaaniit annerpamik 16 meterinik portussuseqassallutik*. Nunap ilaani tamaani sanaartukkat qanoq isikkoarnissaat atortussanik toqqaanermut, ilusilersuinermut qalipaatinullu naleqqussarneqassapput.

c. Nunaminertat Nunap ilaa tamanna sanaartorfiusussap eqqaaniittoq sunulluunniit uninngatitsivigalugu atorneqassanngilaq.


d. Angallanneq Nunap ilaa C8 illoqarfiup aqqusernga Qummut atorlugu angallannikkut sullinneqassaaq. Sanaartorfiup iluani biilinit uninngaartarfik sananeqassaaq. Sunilluunniit uninngatitsisoqassanngilaq, biilinit uninngaartarfearani allatulluunniit suliniutinik, taamaallaallu Illoqarfiup ilaanut aqqusinikkut angallanneqassalluni.

e. Pilersuisoqarfiit Illoqarfiup ilaa tamanna attaveqaatinut, imermut kuuffinnullu attavilerneqassaaq.

*Nassuiaat * "Nunap portunersaaniit" ima paasineqassaaq illup tunngaviata pukkinnersaata nalaaniittoq nuna.*

AALAJANGERSAKKAT IMMIKKUUALUTTORTAAT

Nunap assinga 2



1:2500

§ 1. Kommunip pilersaarutaanut tapiliussap siunertai

Imm. 1.1 sanaartorfissatut C8-mut aamma B8-p ilaanut tamakkiisumik pilersaarusiornissaq.

Imm. 1.2 nunap ilaanut taakkununga nunaminertamik atuinissap aalajangersarneqarnissaa, tassunga ilanngullugu nunap ilai sanartukkanut assigiinngitsunut atugassanngortinnissaat nunaminertallu aliannaarfiusinnaasut immikkoortinneqarnissaat.

Imm. 1.3 aalajangersakkat, nunap ilaani pioreersumi sanaartorfissatut C8-p aamma B8a-p sanaartorfineqarnissaannut qulakkeerisut ilusilersornissaat.

§ 2. Killiliineq

Imm. 2.1 Nunap ilaata killilerneru nunap assingatut ilanngussami nr. 1-imi 2-milu qulaaniit-tumi nalunaarneqartutut takutinneqarpoq.

Imm. 2.2 Nunap ilaa C8 2 ha-it missaannik annertussuseqarpoq. B8a-lu 1,2 ha-it missaanniilluni.

§ 3. Atorneqarnissaa

Imm. 3.1 Nunap ilaa C8 ataatsimoorussanut soorlu sullissiveqarfinnut (tassunga ilanngullugit najugaqarfiit il.il.), pisortat namminersortullu sullissiviinut niuertarfinnut assigisaannullu kiisalu inissianut atorneqassaaq. Sanaartorfissap ilaa C8a taamaallaat niuertarfinnut atugassatut immikkoortinneqarpoq.

Imm. 3.2 Nunap ilaa B8 inuussutissarsiuteqarfittut siunertanut – taamaattoarli suliffeqarfinnut imatorsuaq mingutsitsisunnngitsunut – atorneqassaaq.

§ 4. Aqqusernit, biilit uninngaartarfii aqqusinneeqqallu

Imm. 4.1 Illut tamaaniittut aqqusineq Qummut atorlugu tikinneqarsinnaassapput.

Imm. 4.2 Ataasiinnarmik isaaffeqarnissamut killiliusaaq nunaminertamik tunniussinermi aalajangersarneqassaaq. Illoqarfiuup ilaanut aqqusinermut angallanneq annikinne-rulersinniarlugu ajornangippat sanaartorfinnut imminnut qanittunut marluusunut ataatsimoortumik isaaffik sananeqartariaqarpoq.

Imm. 4.3 Suliniuteqarfiit ataasiakkaat eqqaanni biilinet uninngaartarfeqarfiit pilersinneqas-sapput – sullissiveqarfiit, suliffeqarfiit allallu, taamaalilluni aqqusinermi uninngaartarfiit immikkoortinneqarsinnaallutik. Nalinginnaasumik sullissiviit / suliffeqarfinni / sanaartukkani ataasiakkaani sanaartukkat 100 m²-iugaangata ikinnerpaamik biilinet uninngaartarfik ataaseq pilersinneqassaaq, inissianut marlunnut ataatsimik, kiisalu illumut ataatsimut ataatsimik unittarfiliortoqartassalluni.

Imm. 4.3 Nuiariaq aammalu Qummut atuarlugu aqqusineeraliortoqassaaq pilersuinermit atortulersuutit titartakkami 2-mi takutinneqartut malillugit.

§ 5. Sanaartukkat imminnut ungasissusiat

Imm. 5.1 Nuiariaq atuarlugu aqqusernup qeqqaniit ungasissusissaaq 10 m-iussaaq taavalu aqqusernup qeqqaniit aammalu Qummumiit 7,5 meteriussalluni.

Imm. 5.2 Sanaartukkat imminnut ungasissusiisa aamma aqqusernit killingisa akornanni ungasissuseq teknikkikkut siunertanut atorneqassaaq (kussinernut, apummik ka-tersuivittut il.il.) taamaalillunilu sanaartorfigineqassanani.

§6 Sanaartukkat annertussusiat inissinnerallu

Imm. 6.1 Sanaartukkat sanaartorfissat illoqarfiup ilaanut pilersaarusiap nunap assitaani 2-mi takutinneqartutut sananeqassapput.

Imm. 6.2 Sanaartorfissat sanaartugassanut annertunerusunut ataatsimoortinneqarsinnaapput.

Imm. 6.3 Nunap ilaani C8-mi qitiusoqarfittut siunertanut/pisortaqarfiit siunertaannut sanaartukkat sananeqassapput, quleriit sisamaat affaq angullugit portussusillit aammalu nunap pukkinnersaaniit annerpaamik 16 meterisut portussusillit.

Imm. 6.4. Illut tunngavii sapinngisamik pukkinnerpaatinneqassapput.

Imm. 6.6 Inissiinermi portussusiliinermilu najugaqatitut sanilerisat isikkiveqarnissaat kiisalu nunap ilaata tamarmiusup ammasutut isikkoqarnissaa eqqarsaatigineqas-saaq. Sanaartorfiit imminnut qanittut akornanni ungasissusissap minnerpaamik 10 meteriunissaa anguniarneqarpoq.

Imm. 6.7 Sanaartukkat taakkualu eqqaanni sanaartukkat nunamut pioreersumut naleqqus-sarneqassapput.

§ 7. Sanaartukkat silatimikkut isikkui

Imm. 7.1 Sanaartukkat sanaartukkanik titartaasarneq kusanarteq eqqarsaatigalugu avatangii-sinut tulluurtunngorlugit isikkoqartinneqassapput.

Imm. 7.2 Qalipaatinik, atortussanik sanaartukkallu ilusissaannik toqqaanerit pisuni tamani kommunimit akuersissutigineqassapput. Qalipaatinik sakkortuut qalliutillu qinngor-titsivigineqarlutik qaammartartut atorineqassanngillat.

Imm. 7.3 Allagartalersuineq pilerisaarutillu pisuni tamani taamaallaat kommunip akuersissuteqarneratigut pissapput.

§ 8. Nunaminertat sanaartorfiunngitsut

Imm. 8.1 Sanaartukkat akornini nunaminertat naammaginatimik nalimmassarneqassapput saligaatsutullu ersissallutik.

Imm. 8.2 Nunaminertat sanaartorfiunngitsut ivigallit siornatigut pissusaasut isikkoqartinne-qassapput.

Imm. 8.3 Illumik piginnittoq pisussaaitaavoq illup eqqaani nunaminertat sanaartorfiunngit-sut saligaatsutissallugit eqqiluutsutissallugillu.

Imm. 8.4 Nunaminertat sanaartorfiunngitsut naasui qaavisalu isikkui sanaartorneq allatul-luunniit suliat pissutigalugit aserorneqarsimasut pilerseqqinneqassapput.

Imm. 8.5 Qaqqaq nunaluunniit aserorterneqassanngilaq. Immikkut akuersissummik pitinnani qaarsunik qaartiterisoqassanngilaq.

§ 9. Avatangiisit allanngortsaaliornerat

Stk. 9.1 Avatangiisit pillugit aalajangersakkat atuuttut maleruarneqassapput.

Imm. 9.2 Nunap ilaani tamaani suliffeqarfiit immikkut mingutsitsisut inissinneqassanngillat.

§ 10. Imerkik pilersuineq, eqqakkat teknikkikkullu atortulersuutit

Imm 10.1 Imermut aqqusersuineq, eqqakkat aqqutaat, teleme innaallagissamulluunniit kabelit sapinngisamik nunap assingani 2-mi saqqummiunneqartumi pissapput.

Imm 10.2 Sanaartukkat tamarmik nunap ilaani tamaani eqqakkat aqqutaanut imikoortassapput. Eqqakkat aqqutaat sapinngisamik aqqusernit aqqusineqqallu atuarlugit attaveqaatitigut pissapput.

Imm 10.3 Imeq nunap qaaneersoq, aamma qalianinngaanneersoq eqqakkat aqqutaannut atassuserneqassanngilaq, kussernilli aqqutigalugit kuutsinneqassalluni, taamaalilluni tamanna sanaartukkanut eqqaaniittunut, nunaminertanut, aqqusineqqanut, illoqannginnersanut il.il. akornutaasussaajunnaarlugu.

Imm 10.4 Imikoq suliffissuaqarfinneersoq avatangiisit pillugit akuersissummi

piumasarineqartutut kuutsinneqassaaq.

Imm 10.5 Pilersuinikkut atassutit nunaminertanik tunniussinermi akuersissutini ilaatinneqartut pisuni tamani ataqqineqassapput.

Imm. 10.6 Nukissiuutit piujuartut soorlu seqernup kissaanit, nunap kissaanit nukissiuutit assigisaallu sanaartornermut atasumik pilersinneqarsinnaapput.

Imm. 10.7 Sanaartornermut akuersissuteqarnermut atatilluigu sanaartorfigissaanermut akiliisitissuqartassaaq, takukkit sanaartorfigissaanermut naatsorsuutit tamanut saqqummiunneqarsimasut.

§ 11. Akuersissuteqarluni atsiorneq

Imm 11.1 Kommunip pilersaarutaanut tapiliussamut nr. 10-mut siunnersuut Kommunalbestyrelsimi 11. maj 2011. akuersissutigineqarpoq.

Imm 11.2 Kommunip pilersaarutaanut tapiliussaq nr. 10 kommunalbestyrelsimi 31. august 2011 akuersissutigineqarpoq, tamanullu tusarliunneqarluni 5. september 2011.



Simon Simonsen
Borgmester




Jørgen Vetterlain
Kommunaldirektør

Suliarinnittoq:
Kommune Kujalleq,
Teknik, Ineqarneq Avatangiisillu,
Sanaartugassanik titartaasartoq Birger Kristoffersen,
August 2011



B8a aqqusinnermiit kangimut isigalugu.

Kommunimut pilersaarutip matumuunakkut allanngortinneqarnerata kingorna sanaartugassanut assersuutaasinnaasut tassaapput:



Kollegia pingasunik quleriilik 50-inut inissalik.



Inissiaaqqat 12-inik inissiartallit pingasunik quleriillit.